



الجبته الديمقراطية لتحرير قومية الساهو الازتريه
Eretriyah Saahot Qawmiyah Xurriyat Dimokraasiti Dambar
ሰላራዊ ዲሞክራሲያዊ ግንባር ኤርትራ ሰዓ . ኤርትራ
National Democratic Front for Libration of Eritrean Saho

Malammit Eritriyat Saahot Qwmiyah Xurriyat Dimokraasiti Dambar 2t Rahkbeeti Goomeenat Caddos

Qoomiyat tanziiim ESQXDD katattayta makawwanit akottalle afita rakhbe abo yixiggireh, ta rakhbe taskotootoye lujna lel dhishe. Ta lujna akah tomxowwe xagarah, takkem abto fadhshisha ankataata abtemko leddele tayko sariigalla le rakhbe abto dhicte.

Ta rakhbi, itiyobbiyalle geytima duleenitti macaskaraatko temeete tanziiim doobit, dufla abeenit, amay balih deeco akah tekke gedhi, el geytinenille salus sayni 7 2011 fakkiite. Tengele rakhbeenit afti tanziiim rakhbeeko lakal yumbulluwe afaadad yiqiyyimih, yine andafof kee tanto lel andoodimih yubliinimko lakal, aykee 3t rakhbe fan yakhdume tanziiim siyaasat xagara kee qaanun, mango cadadeeke mabbalooko sarrah yiysibitin. 21 zoobaako le fantit santosti lujnaa kee 5 zoobako le rhawdhot komishin dimokraasiti araxah dooren.

Fidin duflat fadhi ed tumbulluwe malammit ESQXDD ti rakhbi, tama eritriyal yane higdef nizaam gilxisha, ta akki tane dimokraasiti duflah lel banziin osa saadif kinam ukuum ayih timidhdhigeme kii tine.

Eritriyalle umman qoomiyat xaqqe dahwrha, federaliyaati nizaam yatkiliinim, eritriyat ummat lel ishi addadde maxiyookee sanayeh ed yamnaabarro dhiica buhuul kee dimokraasi el yicshile eritriyah tiklo yaysibiitinim, kaddih manaafu gufekkah tannawo kiyah, racteh tanem umman xibar le wado/beeda essertam kinamhi zacabah, ni duflahi afi tanaboo kee ni sawraahi dhic yagraro namraraddo nol tanem rakhbelle tumbulluwem kii tine.

Ummanimille rakhbeenit addoodimih cadadeenih mabbalowenimko lakal, ta nimmat-hi selo sarigalla geyto tenko fadhshishsham aboona gulguluh yaniinim cadoosen.

Aki ginah ta 2t ESQXDD rakhbi edde akke yane uddur, ni tanziiim 1ti rakhbeeko barhsah boorhalle yewceh, fidin ciskiriyaa kee poropagandaati sariigalla edgiyaa yane ged kee cindhaaneytaa kee say maraati agle edtenebe, aki ginah lel eritriyat ummat-hi erecto ed agbidi, amay balih caalamalle bukaako lel ni wakalalle fertoh, badali ed ambulluwi yane waqhte kinamhi sabbatah fidin ummat agleh dhish takke dufla yaynabiinim, ed farhshishsha buhuulud nanem rakhbi (muctamar) fidinih yuble.

Ni tanziiim ESQXDD kaado dhagan mago beeno le irookee adaako temeete cangiinooko tabeh ta sarigalla le rakhbe gomo dhiicemih cafad edde assaabbi, inkoh ta nanu cadli goronuh abna dufla xata maraakee qaxantoolitik unqac

xeddene yarhxe. Xelwaayiteh yane ni ummat saahok lel, tayko maaxiyot waxwaxeyti ifisha, qoomoyat dimokraasiti tanziiim yitkiliyya lamma lakah soolisheh, ishi duflat kalo yoyfiddigeh yaneme yaybissire.

Ta rakhbelle yomxowwe qaraar sarigalla geyo inkiddehi tengele dufla takko inkidde aysibiti rhave waqhtedde yakko yimxiggireh yane, ardi rakhbi dimokraaiti badaleh sarigallah yankataatawo le niya caddoosa, ishi dhicille kaako fadhshishshamah iggidinam abo kinamah elfiirisha takataya taqhriir tillaase.

1. ESQXDD umman caalamti nukurulle geytimta saahot dhayloo kee kaa cadli duflah xateenit kee cadli baacil kin dikti dhaylok, nidufladde len ilaaciminnexe gide qalbed haa, barhsime dahani akah yomxowweh, sinni askaahal yaysarawoona 2t rakhbi yiqirre.
2. ESQXDD 2010 dimokraasiiti badaleh yekke dikti araba/aseena, sarigalla geyto lii yine gide assokooti, kaado yakkeedo dikti rakhbei sarigalla giyo dikti komishin lih xattishimo kaako fadhshishsham abo kine yiqirre.
3. 2t ESQXDD tanziiime rakhbi eritriyal yane nizaam, ula ulah takke duflah yacdhietiya akkekkah, ESQXDD umman badali eritriyat quwwaalih bukaako eritriyah qoomiyamti dimokraasiiti danbarlih fertoh tengele dufla abo yiqirre.

Abayshimalle, afko komma fanah ta ni tanziiimhi rakhbedde tenge barmale kin eritriyat kunamat dimokraasiiti xurriyat xaraka kee eritriyah dimokraasiti sawrat67 ascassab, aykee nirahkbi bakitandah higdef niuummat-hi bukalle oobisha yane qoomiyat erecto caddossa dufla tharbatsishsha kitaabinnat nashaatha randa caadat filcoh kabteyya afcaadooko cawata.

Tengele duflah ni qoomiyah xaqqee keeleemino nadabbo kino.
2t ESQXDD tanziiim rakhbe
Sayni 9 -2011

mob.phone +251-912881225/ +251-912881224/ +251-910207317
e-mail addr. kurbeli15@yahoo.com or falale2010@yahoo.com